

# Haustrveiði

FÖSTUDAGUR 17. AGÚST 2018



## Fékk byssu í fermingargjöf

Jóhann Vilhjálmsson byssusmiður var ekki nema ellifu ára þegar hann skaut sína fyrstu máva yfir æðarvarpi á Breiðafirði. Hann stundar nú skógarveiðar í Póllandi og smíðar ægifagra veiðihnífa og byssur. ➔2



## Framhald af forsiðu →

Pórdís Lilja  
Gunnarsdóttir  
thordisg@frettabladid.is



Ég fékk byssu í fermingargjöf. Það var frekar óvenjulegt og kom mér vissulega á óvart en ég varð glaður og á hana enn. Þetta var 222-rifill, sem var aðalveiðigræjan til gæsaveiða þá, og ég á hann enn. Þessa dagana er ég að gera hann upp í annað sinn, eða öllu heldur átján ára sonur minn sem er að dunda sér við að koma rifflinum góða í stand," segir Jóhann Vilhjálmsson, betur þekktur sem Jói byssusmiður á Dalbraut 1.

Jói segir menn hafa byrjað að skjóta af byssum miklu fyrr á árum áður, einkum stráka sem voru í sveit.

„Ég var ekki nema ellefu ára þegar ég byrjaði að skjóta máv. Þá var ég í sveit í Breiðarfjarðareyjum á sumrin þar sem var æðarvarp og svartbakur hafði tekið yfir eyjuna. Því þurfti að grísa stofninn og þótti eðlilegt að strákarnir í sveitinni skytu af byssunum líka," segir Jói um liðna tíð.

### Veiða ekki sama og drepa

Jói hefur kennt á veiðinámskeiðum Umhverfisstofnunar frá upphafi, eða í heilan aldarfjórðung.

„Í dag fá flestir skotveiðihuga á milli tvítugs og þrítugs. Það þarf mikið til að fá byssuleyfi; meðal annars hreint sakavottorð og tvo meðmældur. Því labbar enginn inn í búð á Íslandi í dag til að kaupa sér byssu," upplýsir Jói.

Í samhengi við háværa gagnrýni á almenna byssueign Bandaríkjamanna segir Jói allt annan hugsnarhátt ríkja gagnvart byssueign á Íslandi.

„Við kaupum ekki byssur til að verja okkur, eins og tíðkast vestra, heldur notum skotvopn sem áhöld til veiða. Víst leynast svo alltaf skemmd epli innan um, en því miður lítið við því að gera. Á hverju ári fara nokkur hundruð manns á skotnámskeið héraendis og þaðan útskrifast góður hópur veiðimanna sem flestir fara eftir settum lögum," segir Jói.

Arvísst veiðileyfi og veiðikort þurfi svo til að mega halda til skotveiða hér á landi.

„Menn þurfa einnig að sækja veiðikortanámskeið til að læra að þekkja dýrin og fuglana. Eg legg áherslu á það í kennslunni að ganga vel um náttúruna og dýrarni, og að veiða sé ekki það sama og að drepa. Að drepa á ekkert skylt við veiðiskap, en við veiðar er mikilvægt að taka ekki af mikið, veiða á réttum tíma og fara að lögum.“

### Smiðar byssur og hnifa

Byssur og veiði áttu snemma hug Jóa sem lærði rennismiði og vélsmiði með byssusmiði í huga.

„Ég fór til Gunnars í Godaborg, sem var þekktur byssusmiður á sínum tíma, en ekki reyndist unnit að læra byssusmiðina hér heima. Það var því ekki fyrr en fjölmörgum árum seinna að ég fór utan til Belgíu og nam þar byssusmiði í fjögur ár. Þá nýttist renni- og vélsmiðin mér vel," segir Jói sem er eini Íslendingurinn sem hefur lært byssusmiði til fullnustu frá viðurkennendum skóla.

„Byssurnar smíða ég eftir evrópski sérsmíðahefð, með hnotskefti, djúpum bláma og Mauerlásun," útskýrir Jói sem er með umboð fyrir Mauer á Íslandi. Hann situr nú við smiðar stórra rífla fyrir reynda aðila sem stunda veiða í útlöndum.

„Í náminu fór ég líka að smíða hnifa og gerðist meðlimur í Félagi belgískra hnifasmíða. Því fer ég enn oft utan til að taka þátt í sýningum með þeim og næst nú í



Jói smiðar einstaklega sterka og fallega hnifa úr sænskum gæðastáli og íslenskum hreindýrshornum. Þeir eru einkar vinsælir í veiði. MYNDIR: SIGTRYGGUR ARI



Jói lærði rennismiði og vélsmiði áður en hann nam byssusmiði í Belgíu.

haust," segir Jói sem nýtur þess að hanna fallega vasahnifa og veiðihnifa.

„Árið 2007 hannaði ég sérstakan hnif sem ég kalla íslenska veiðihnifinn og notið hefur mikillar hlyll meðal veiðimanna. Í blöðin nota ég vandað stál frá Svíþjóð og hreindýrshorn í skaftið, helst horn sem fallið hafa af dýrum í fjöllunum, því þau eru best. Þá eru þau laus við blóð og orðin náttúrulega hvít en stundum taka þau á sig mosalit eða rauðan lit og engin tvö horn eru eins. Hreindýrshorn er niðstærkt og skemmtilegt efni. Það er ákaflega fagurt ásyndar og einstakt, náttúrulegt form hornanna

ræður bognu lagi hnifanna," segir Jói sem var valinn handverksmaður ársins 2012 á Handverks hátíðinni á Hrafnagili.

### Skógarveiðar í Póllandi

Í áruna rás hefur Jói stundað bæði stangveiði og skotveiði en á síðustu árum hefur hann einbeitt sér að skotveiðinni.

„Ég hef alltaf veitt mikið en þegar menn fara að eldast verða þeir ekki eins ástir og áður til að fara í veiði. Menn þurfa enda að vera mjög vel á sig komnir til að fara til rjúpna- og hreindýraveiða þar sem ganga þarf tugi kílómetra á dag, vera jafnvel marga daga á fjöllum

„Sá sem fer alltaf eftir kjötinu í Krónuna kveikir kannski ekki á veiðieðli sínu en kjötið í frystinum verður vitanlega ekki til í Krónunni. En ég segi að þótt veiðieðlið sé innbyggt í manninn eru sem betur fer ekki allir að veiða.“

og koma felldum dýrum til byggða við erfiðar aðstæður," segir Jói sem undanfarin tuttugu ár hefur notið þess mjög að fara með hóp íslenskra veiðimanna til veiða í Póllandi.

„Þar erum við í fjóra til fimm daga við skógarveiði. Mest er um rauðhirti, dádýr og villisvin en líka þvottabirnir og refi. Þetta er ákaflega skemmtileg veiði og frábær stemning meðal veiðimanna. Mikil spenna er í veiðinni sem flokkast undir rekstrarveiði og menn þurfa að vera vel á verði þegar dýrin nálgast því ómögulegt er að átta sig á hvaðan og hvert þau koma. Þá verða menn líka að vera snöggrir að skjóta frihendis og átta sig á hvort skjóta megi dýrið því ekki má skjóta hvaða dýr sem er í villtum skóginum. Þetta er því ekki auðvelt, en á hverjum degi eru nokkrir rekstrar, allt frá klukkan fimm á morgnana til sex á kvöldin," útskýrir Jói fullur tilhlökkunar, en löngu er orðið fullt í veiðiferðina til Póllands í nóvember.

„Mér finnst óskaplega gaman að fara utan til veiða og kynnast ólíkri veiðimenningu hvers lands fyrir sig. Þólværjar bera mikla virðingu fyrir skógardýrunum þótt þeir þurfi að halda stofnum í skefjum. Þar er góð veiðistjórnun og verðið víðræðanlegt. Góðir veiðimenn vilja ekki útrýma dýrategundum og í Póllandi eru dýrin talin og stofnstærð haldið í skefjum með ákveðnum kvóta. Þetta er

„trophy“-veiði fyrir veiðimennina en veiðiklúbburinn á kvótann og selur dýrin á markaði. Menn hafa þó tekið með sér væna bita heim, aðallega dádýr og rauðhirti, enda gömsæt villibrað," segir Jói sem hefur ferðast víða um heim til að veiða, meðal annars til Grænlands, Kanada, Ungverjalands, Rússlands og Afríku, þar sem hann hefur gætt sér á ljúffengum antilópum og sebrahestum.

### Veiðieðlið blundar í öllum

Mánudaginn 20. ágúst hefst gæsaveiðitímabilið hér á landi en Jói segir menn nú byrja seinna en áður.

„Tuttugasti ágúst hefur alltaf verið heilagur dagur í veiðimennskunni en tíðarfarið hefur nú sitt að segja og sú staðreynd að mikið er um ungfugl fram í september þegar veiði hefst af meiri þunga," segir Jói um tímabilið fram undan en íslenskum fuglum er gefinn fríður á varptíma og við uppdæli unga sinna frá vori fram á haust.

„Fyrst má skjóta gæs, síðan önd og svo fara með á svartfugl sem er afar skemmtilegt og lostætt afli. Mitt upphald í skotveiðinni eru þó hreindýr og ekkert sem toppar þann herramannsmat," segir Jói sem ætlast austur til veiða með átján ára syni sínum í haust.

„Hann hefur byssubakteríuna frá föður sínum, en það er engin spurning að veiðieðlið blundar í okkur öllum. Sá sem fer alltaf eftir kjötinu í Krónuna, eða er ekki alinn upp við veiðiskap, kveikir kannski ekki á veiðieðli sínu en kjötið í frystinum verður vitanlega ekki til í Krónunni. En ég segi að þótt veiðieðlið sé innbyggt í manninn eru sem betur fer ekki allir að veiða," segir Jói sem munnar byssurnar líka í skotfimi og hefur keppt í greininni um ábil.

„Ég hef ekki tölu á því hversu margar byssur ég á en ég hef yndi af rifflum og falletum tvíhleyfum sem eru fyrir veiðar af stuttu færi. Ég er líka mikill áhugamaður um gamla bíla og formaður Íslenska Cadillac-klúbbsins sem verður með árlega sýningu sína fyrir utan Hörpu á Menningarnótt.“

Sjá nánar á joibyssusmidur.com og icelandicknives.com



# ALVÖRU FJÓRHJÓLADRIF - ALVÖRU VEIÐIBÍLAR

**Jeep**  
THERE'S ONLY ONE

jeep.is

JEEP GRAND CHEROKEE  
TRAILHAWK  
TORFÆRUÚTGÁFAN AF  
ÞESSUM FRÁBÆRA JEPPA



33" BREYTTUR

TRAILHAWK VERÐ FRÁ: 9.990.000 KR.

 **RAM**

ramisland.is



RAM 3500 VERÐ FRÁ  
KR. 5.960.000 ÁN VSK.  
KR. 7.394.400 M/VSK.

RAM 3500 LIMITED  
**40" BREYTTUR**

**ÍSABAND**  
ÍSLENSK-BANDARÍSKA EHF. BÍLAUMBOD

UMBODSADILI JEEP OG RAM TRUCKS Á ÍSLANDI • ÞVERHOLT 6 • 270 MOSFELLSBÆR • S. 534 4433  
WWW.ISBAND.IS • ISBAND@ISBAND.IS • OPIÐ VIRKA DAGA 10-18 • LAUGARDAGA 12-16



# Brúðkaupsferð í Veiðivötn

Katrín Ósk Einarsdóttir og Kristján Örn Kristjánsson gengu í hjónaband fyrr í sumar. Þau eyddu hveitibrauðsdögunum í Veiðivötnum við veiðar í ægifygru umhverfi og veiddu vænar bleikjur.

Sigríður Inga Sigurðardóttir  
sigriduringa@frettabladid.is



Við giftum okkur þann 21. júlí síðastliðinn í Frikirkjunni í Hafnarfirði. Skömmu eftir brúðkaupið fórum við með vina-hópi okkar í Veiðivötn þar sem við vorum við veiðar í nokkra daga. Við köllum þetta brúðkaupsferð í hálfgerðu gríni en það er að myndast hefð fyrir því í fjöl-skyldunni að fara í Veiðivötn eftir brúðkaup, ásamt kokkinum sem sér um matinn í brúðkaupinu," segir Katrín brosandí.

„Þannig er mál með vexti að Lilja Sif, systir mín, giftist Stefáni, manningnum sínum, fyrir fimm árum og helgina eftir brúðkaupið fóru þeir Stefán og Kristján upp í Veiðivötn, ásamt Alfreð G. Mariussyni kokki sem er í sama veiðihópi. Það vakti mikla kátínu í hópnum og var ferðin kölluð „brúðkaupsferðin“, nema brúðurin var ekki með í för í það skiptið. Þegar við Kristján vorum að plana okkar brúðkaup hringdum við strax í Alfreð og báðum hann um að sjá um matinn í okkar veislu. Fyrr en varði var búit að skipuleggja veiðiferð strax eftir brúðkaupið, áður en byrjað var að ákveða matinn fyrir veisluna. Við plönnum að fara í aðra brúðkaupsferð árið 2020 en þá bara við tvö þar sem við deilum ekki skála með níu manns,” segir Katrín en þau hjónin eru búsett í Danmörku og eiga þrjú börn, Kristján Einar 8 ára, Ásdís Kötlu 6 ára og Bryndís Kóru 3 ára.

Þau hjónin segja að veiðin í brúðkaupsferðinni hafi gengið ágætlega en það hafi þó vantað aðeins upp á stærðina á silungnum þetta sumarið. „Við veiddu mest af öllum í hópnum en fengum þó ekki stærstu fiskana,” segir Kristján sem veit fátt skemmtilegra en að veiða. „Ég fer í veiði í hvert sinn sem tími gefst til og hef farið í Veiðivötn tvisvar til þrisvar á hverju sumri síðustu fjórtán árin en Katrín hefur komið með síðustu tvö sumur. Veiðiferðirnar eru óneitanlega ekki eins margar og ég vildi þar sem við erum búsett í Danmörku en vonandi breytist það þegar við flytjum heim aftur.“

## Veiðihuginn er smitandi

Katrín segir veiði aðallega vera áhugamál eiginmannsins en honum hafi tekist að fá hana með sér í þetta sport með ágætum árangri. „Ég fer oftast í veiði nú en áður og heimtaði að fá mínar eigin vöðlur eftir síðustu veiðiferð. Um síðustu helgi fékk ég óskina uppfyllta,” segir hún glaðlega.

Spurð hvort þau lumi á góðri veiðisögu segist Kristján eiga eina góða af Katrínu. „Þar sem hún hefur ekki farið í margar veiðiferðir er kannski ágætt að segja eina stutta af henni frá því í fyrra. Við vorum að veiða með hópnum okkar í Grænavatni á góðum degi. Þar sem Katrín var að læra réttu handtökin og nennti ekki að kasta út í og biða setti ég spún á línuna hjá henni og sagði henni bara að kasta og draga inn eins og hún vildi. Stuttu seinna kallar hún á mig og vill meina að hún sé búin að festa spúninn í vatninu. Ég kalla til hennar að draga hann þá inn við litinn fögnuð þar sem hún hélt að ég væri að gera grín að henni en línan var að taka skarpa beygju til hægri og ekkert fast heldur vænn fiskur búinn að bíta á.“

## Veiðivatnafiskurinn upphald barnanna

Þar sem silungur er í miklu upphaldi hjá fjölskyldunni er þess vel gætt að þetta góða hráefni fari ekki til spillis. „Oftast látum við reykja hluta af aflanum. Í ár flökuðum við silunginn og flokkuðum í hæfilega stóra skammta fyrir fimm manns og settum síðan í frysti. Þannig er auðvelt að taka einn og einn skammt úr frysti og þar sem við búum í Danmörku var fisknum pakkað þannig að við gátum tekið tíu kíló með okkur út. Börnin okkar elska fisk og allri fjölskyldunni finnst Veiðivatnafiskurinn extra góður á bragðið, enda er hann yfirleitt frekar feitur,” segir Katrín.

Þegar hjónin nýbókuðu eru spurð hvar þeim finnst skemmtilegast að veiða segir Kristján að mest gaman sé að veiða þar sem veiðivon er góð og aðstæður fallegar. „Veiðivötn eru þar efst á lista en Hópið og vatnasvæði Selar eru líka í miklu upphaldi,” segja þau Katrín og Kristján.



Katrín segir Kristján hafa náð að velja áhuga sinn á veiði. Allri fjölskyldunni finnst fiskurinn úr Veiðivötnum lostæti.



Á brúðkaupsdaginn. Katrín Ósk og Kristján Örn með Ásdís Kötlu, Bryndís Kóru og Kristján Einar.



Nýgift í fögru umhverfi Veiðivatna, sem er engu öðru líkt.



Hjónunum finnst gaman að veiða þar sem er veiðivon.



**EITT KORT  
34 VÖTN  
7.900 kr.**

Vatnaveiði er fjölskylduvæn útvist. Börn yngri en 14 ára veiða frítt með korthafa.

www.veidikortid.is




Sölustaðir:  
N1 - OLIS - ÍSLANDSPÓSTUR og veiðivöruslanir um land allt.  
Frí heimsending þegar pantað er á www.veidikortid.is.





# Búvörur SS

Klæddu þig vel í veiðina



Mike Hammer, nýr fatnaður fyrir veiðimenn og útivistarfólk. Peysur, úlpur, skyrtur og fleira!



**Flíspeysur**  
**Nokkrir litir og gerðir**  
Stærðir S - 4XL  
Verð frá 5.995 kr



**Bómullarskyrtur**  
**4 gerðir**  
Stærðir S - 4XL  
Verð frá 6.035 kr



**Sherpa Veiðijakki**  
**2 flíkur í einni!**  
Stærðir L - 4XL  
Verð aðeins 12.994 kr



**Vesti með hita**  
Stærðir S - 4XL  
Verð aðeins 17.995 kr



**Vetrarundirföt**  
Stærðir S - 4XL  
Verð frá 5.695 kr



## insect shield®



### Á hvaða skordýr virkar Insect Shield?

Insect Shield® vörur hafa verið prófaðar og sannað að þær virka fælandi á flugur, moskítóflugur, maura og blóðmaura.

### Prófað og sannað

Tæknin á bak við Insect Shield er byggð á margra ára rannsóknum og prófunum. Insect Shield vörur halda fullri virkni í gegnum 70 þvotta.

Vandaður fatnaður á frábæru verði! [www.buvorur.is](http://www.buvorur.is)

Búvörur SS | Fossháls 1, 110 Reykjavík | Ormsvellir 4, 860 Hvolsvöllur | [www.buvorur.is](http://www.buvorur.is)  
Opnunartímar: Fossháls kl. 8-16 og Ormsvellir kl. 9-17 alla virka daga | Sími: 575-6070



# Frábært að njóta náttúrunnar

Fluguveiði er eitt það skemmtilegasta sem Hreggviður Ársælsson, grafískur hönnuður, hefur prófað. Ásamt frænda sínum matreiðir hann dýrindis rétti úr ólíkum hráefnum náttúrunnar.

Starri Freyr  
Jónsson

starri@frettabladid.is



Hreggviður Ársælsson byrjaði ungur að veiða á Akureyri þar sem hann ólst upp. Lengi vel lét hann stangveiði með spún og maðk duga en þó hefur hann skroppið með bróður sínum undanfarin ár í eina og eina rjúpnagöngu. Þegar hann varð fertugur árið 2014 gáfu fjölskylda og vinir hans honum fluguveiðipakka en hann segir fluguveiðina vera eitthvað það skemmtilegasta sem hann hefur prófað. „Það er alveg magnað að standa á árbakka og læra að lesa í ána, hylina og flúðirnar og reyna að komast að því hvaða flugur séu fljúgandi um svæðið. Maður þarf að skilja hvar fiskurinn vill helst vera í ánni og hvaða agn sé líklegast. Svo er frábært að njóta náttúrunnar og vonast til að fá einn í soðið. Tengingin við frumbyggjann dettur í girinn og maður nær ákveðinni slökun á bakkannum.“

## Veiðir mest í vötnum

Mariulaxinn hans var 90 cm hængur sem hann landaði í Fossa fyrir um tveimur árum. „Reyndar hefur lítið gert í laxinum hjá mér síðan þá. Ég veiði mest á flugu í vötnum og kaupi Veiðikortid á hverju ári. Þingvallavatn og Úlfjótavatn eru tveir skemmtilegustu staðirnir sem ég veiði á en Þingvallavatn er búið að vera gjöfult á bleikjuna í ár.“

## Mikill matmaður


Hreggviður lætur sér ekki duga að veiða. Hann er mikill matmaður og segir að það besta sem hann viti sé að hvíla sig frá tölvu við bras í eldhúsinu. „Við Danni frændi höfum verið að grúska mikið í því hvernig nýta meg allt úr dýrum sem eru veidd hér á Íslandi. Við höfum komist yfir alls konar hráefni; gæsir, endur, hreindýr og fleira. Við sjóðum beinin í soð, gerum lifrarmús eða paté. Einnig gröfum við allan fjandann og kald- eða heitreykjum ásamt þessu hefðbundna.“

## Bleikjan vinsæl

Uppáhaldið hans er líklega heitreykt hreindýrahjarta sem fairs nýta og vinna með að hans sögn. „Biblían á náttborðinu mínu er Villibráðarbókin hans Úlfars Finnbjörnssonar sem er allra besta kennsluefni í meðhöndlun villi-



„Þingvallavatn og Úlfjótavatn eru tveir skemmtilegustu staðirnir sem ég veiði á.“ segir Hreggviður Ársælsson, grafískur hönnuður, veiðimaður og matgæðingur.



Hreggviður sem grafískur hönnuður. „Hún er alger snillingur og hefur gefið mér mörg frábær ráð í matseldinni. Margir kaffibollar hafa runnið niður í eldhúsinu á ENNEMM meðan við ræðum um matseld, uppskriftir og þessháttar. Eg er reyndar búinn að setja fingraför mín á réttinn með ýmsum hliðarsporum, t.d. malaðan negul. Hann er alveg meiriháttar lúmskur í allt sem tengist salsaréttum.“

## Bleikju-taco-uppskrift

Uppskrift fyrir 3-4

**Fiskurinn:**  
2 bleikjuflök  
Old El Paso taco kryddblanda  
Jamie Oliver thyme lemon and bay salt (fæst í Krónunni)  
Malaður negull  
Rifinn limónubörkur

Skerið flökin í u.þ.b. 3 cm bita og stráið taco-kryddinu yfir. Rifjið börk af heilli limónu yfir bitana. Skutið filmu yfir og setjið í isskáp í 1-2 tíma. Setjið bitana næst á



smjörppappír í eldfast mót. Stráið möluðum negul yfir, kryddið með Jamie Oliver saltinu og setjið í heitan ofn á 200 gráðum í u.þ.b. 10 mínútur.

## Meðlæti

**Rauðkálstrimlar:**  
Rauðkál, ¼ af haus  
Limónusafi  
Olía  
Taco-krydd  
Pipar  
Malaður negull

Skerið rauðkálið þunnt, í um 2 mm strimla og bleytið í þeim með olíu. Kreistið limónusafa yfir og kryddið létt með taco-kryddinu. Fint er að undirbúa rauðkálið á sama tíma og fiskinn svo það mýkist aðeins.

## Taco-sósa

4 tómatar  
2 hvítlauksgeirar  
1 ferskur rauður chilli  
½ dl olía  
1 tsk. ground cumin

**Klettasalat, gott bunt**  
6-8 blöð fersk mynta  
Smá salt og pipar eftir smekk

Skellið öllu í blandara þar til innihaldið líkist graut eða sósu (smekksatriði). Kreistið smá limónusafa yfir í lokin.

## Mangósalat

1 mangó, smátt skoríð  
1 lárpera, smátt skorín  
Niðursoðinn jalapeño, saxaður  
Kóríander, saxað  
½ rauðlaukur, saxaður eftir smekk  
1 tómatur, smátt skorinn  
Limónusafi

Blandið öllu saman í skál.

## Skeljar

12 Harðar taco-skeljar

Gott að hita skeljarnar í ofni í smástund. Nauðsynlegt er að bera fram ferskt klettasalat og saxaðan kóríander með réttinum.

## HEILSURÆKT

Veglegt sérblað Fréttablaðsins  
um heilsurækt kemur út 24. ágúst nk.

Tryggðu þér gott auglýsingapláss  
í langmest lesna dagblaði landsins.

### Nánari upplýsingar um blaðið veitir

Jón Ívar Vilhelmsson markaðsfulltrúi Fréttablaðsins.  
Sími 512 5429 / jonivar@frettabladid.is







## EKKI BARA AÜGNAKONFEKT

HELDUR ERU FLUGUHJÓLIN FRÁ ALFA STÚTFULL AF ORKU



ALFA +  
VERD FRÁ  
**KR 28.950,-**

ALFA + línan kemur í 4 stærðarflokkum og henta fyrir allt frá léttum silungsstöngum að minni tvihendum.



ALFA INFINITY  
VERD FRÁ  
**KR 53.550,-**

ALFA INFINITY línan kemur í 2 stærðarflokkum og henta fyrir allar tvihendur, stærri einhendur, og hafa bremsukraft til að stöðva stærstu Tarpon fiska, hákarla, og seglfiska.

UMPQUA eru með þeim fremstu í heiminum í hönnun og framleiðslu á töskum og hirsllum ætluðum fyrir fluguveiði, og hafa unnið til fjölmargra alþjóðlegra verðlauna. Bakpokar, mittistöskur, sling-bags, chest bags.

UMPQUA

VERD FRÁ  
**KR 6.390,-**



Guideline Bullet fyrir alla veiði & Wychwood línurnar vinsælu  
VERD FRÁ 7.800,-



### VEIÐITÖSKUR Í ÚRVALI

Mikið úrval af veiðitöskum, bakpokum, sling bags, mittistöskum, og græjugeymslum!



BOATMAN  
**KR 17.890,-**



**20%  
AFSLÁTTUR**

### 20% AFSLÁTTUR AF ÖLLUM ALFA HJÓLUM

Verlaðu þér flugustöng frá Wychwood eða Guideline hjá Flugubúllunni og nældu þér í 20% afslátt af Alfa hjóli fyrir stöngina

### FLUGUBARINN

er stútfullur af ljúffengum flugum fyrir alla veiði  
VERD FRÁ 200 KR STK!



VÖNDUÐU FLUGUVEIÐIVÖRURNAR - MÖGULEGA BESTA VERÐIÐ Í BÆNUM



HLÍÐASMÁRI 13  
201 KÓPAVOGUR  
SÍMAR: 833 6440 / 833 6441  
Opíð virka daga frá 16:00 til 20:00  
Laugardaga opíð frá 11:00 til 16:00

info@flugubullan.is  
http://www.flugubullan.is



facebook.com/flugubullan/





# Skotveiðin hefst

Skotveiðimenn eru eflaust farnir að iða í skinninu eftir að geta mundað byssurnar sínar. Upplýsingar um hin ýmsu veiðitímabil má finna á vef Umhverfisstofnunar. Þar kemur til dæmis fram að gæsveiðitímabilið hefjist núna á mánudaginn, 20. ágúst, en þá má skjóta grágæs og heiðgæs.

Langflest skotveiðitímabil hefjast síðan þann 1. september. Þá er leyfilegt að skjóta fjölmargar

andategundir, ýmsar mávategundir, skarfa og fleiri fugla.

Hreindýrveiðin er reyndar löngu byrjuð en hreindýrstarfa má veiða frá 15. júlí til 15. september og hreindýrskýr frá 1. ágúst til 20. september. Sérstök leyfi þarf þó til að veiða slík dýr.

Eflaust eru einhverjir farnir að huga að jólamatnum en Umhverfisstofnun hefur nú þegar gefið út hvaða daga rjúpnaveiðir verða leyfilegar þetta árið.



Gæsveiðitímabilið hefst á mánudaginn. NORDICPHOTOS/GETTY

## Rjúpnaveiðar 2018

Fjöldi veiðidaga er 12 og skiptast þeir á fjórar helgar. Síðustu helgina í október og fyrstu þrjár í nóvember.

- Föstudaginn 26. október, laugardaginn 27. október og sunnudaginn 28. október.
- Föstudaginn 2. nóvember, laugardaginn 3. nóvember og sunnudaginn 4. nóvember.
- Föstudaginn 9. nóvember, laugardaginn 10. nóvember og sunnudaginn 11. nóvember.
- Föstudaginn 16. nóvember, laugardaginn 17. nóvember og sunnudaginn 18. nóvember.



## Þór þrumuguð mótaði laxinn

Útskýringu á sköpulagi laxins er að finna í norrænni goðafræði. Sagan segir að Loki Laufeyjarson hafi brugðið sér í lax líki til þess að forðast reiði ásanna en til hennar hafði Loki unnið þegar hann varð valdur að dauða Baldurs hins góða. Æsirirnir fóru með net á eftir Loka í Fránangursfoss til að veiða hann og skiptu liði. Þór stóð í miðri ánni og þegar Loki reyndi að hlaupa yfir netið, greip Þór á eftir honum og tók um hann „og renndi hann í hendi honum svo að staðar nam höndin við sporðinn. Og er fyrir þá sök laxinn afturmjör,“ segir í Snorra-Eddu.



## Ljúffengt gæsapaté

450 grömm gæsallífur  
6 msk. sérrí eða portvin  
14 msk. ósalt smjör  
2 skalottlaukar, saxaðir  
1 hvítlauksgeiri, marinn  
1 msk. ferskt timjan, saxað  
¼ bolli rjómi  
Salt og pipar

Hreinsað lifrarnar, þerrið og setjið í litla skál. Hellið sérrí yfir og látið standa í isskáp í tvo klukkutíma. Bræðið 3 msk. af smjóri á pönnu. Bætið lauk, hvítlauk og timjan út í og hrærið 3-4 mínútur. Hellið vökvanum af lifrunum í litla skál og bætið þeim út á pönnuna, látið malla í 3-4 mínútur. Bætið þá vökvanum sem hellt var af lifrunum út á pönnuna og látið malla í tvær mínútur. Dembið öllu í blandara og þeytið þar til blandan er orðin mjúk. Bætið þá 3 msk. af smjóri við og þeytið aftur. Hellið svo rjómanum út í og púlsíð þar til allt er komið saman. Saltið og piprið. Mokið blöndunni í form og kælið í isskáp í klukkutíma. Bræðið það sem eftir er af smjörinu (8 msk.) og hellið yfir og setjið aftur í kæli yfir nótt.



## Notaðu skynemina

### Pedigree fyrir hundinn þinn!

Björn og Lára í Heimsendaræktun hafa í áratugi helgað sig ræktun og þjálfun hunda. Þau hafa í gegnum árin náð frábærum árangri og meðal annars gefið af sér tugi alþjóðlegra og íslenskra meistara.

Undanfarin 15 ár hafa þau eingöngu fóðrað sína hunda á Pedigree hundafóðri



- Öll næring sem hundurinn þinn þarfnast: Réttu blanda af næringarefnum sem heldur hundinum þínum heilbrigðum og fullum af orku.
- Heilbrigð húð og glansandi feldur: Réttu blanda af Omega 3 og 6 fitusýrum gagnast hundinum þínum og honum lífi vel og líti vel út.
- Styrkir náttúrulegar varnir: Vitamin E, andoxunarefni og valín steinefni stuðla að verndun náttúrulegra mótefna hundsins þíns.
- Sterkar tenur og heilbriggt tannhold: Sérsmáttar stökkir bitar sem halda tönnum sterkum. Án viðbættis sykurs.

- Enginn viðbættur sykur
- Þróað af dýralæknum
- Engin tilbúin bragðefni

Pedigree hvetur alla hundaeigendur til að virða lög og reglur um hundahald. [www.pedigree.is](http://www.pedigree.is)